





第一四七四册

四庫全書

●上海古籍出版社

本冊目次

甬上耆舊詩

清胡文學編……………一

第一回十四冊

欽定四庫全書

集部
甬上耆舊詩卷二

詳校官右中允_臣薩敏

主事銜_臣徐以坤覆勘

總校官庶吉士_臣朱鈺

校對官學正_臣常循

臚錄監生_臣趙廷璋

欽定四庫全書

集部八

甬上耆舊詩

總集類

提要

臣等謹案甬上耆舊詩三十卷

國朝胡文學輯而其友人李鄴嗣為之敘傳者

也文學字道南鄞嗣號景堂俱鄞縣人輯明

州詩文者宋有鄞江集已失傳王應麟四明

文獻集亦多漏畧至明宋士弘之四明雅集

欽定四庫全書

甬上耆舊詩
提要

二十家戴鯨之續集六十家張時微之四明

風雅一百二十家于作者採綴稍廣而源流

未備鄞嗣嘗撰甬上耆舊傳紀其鄉先哲行

事頗詳文學因即其傳中之人搜錄遺詩論

定編次而各以原傳系之始自周文種漢大

黃公終於明季諸家凡四百三十人得詩三

千餘首本四十卷甫投梓而文學即世其子

德邁因以前三十卷先刊行之每卷之首俱

有小序畧依其才品名位高下為次使各以

類從而不盡以時代為斷于支派極為詳晰

中如宋袁爽之絜齋集素甫之蒙齋集亡佚

已久今始得于永樂大典中哀集成編文學

等固宜目所未睹至樓鑰政槐全集尚有遺

本流傳而僅據其選集鈔存亦為搜羅未至

然其體例精審于部居州次之中寓論世知

人之義徵文考獻條理秩然固非世之弔名

欽定四庫全書

甬上耆舊詩

三

悅俗瓦礫雜陳者所得而相比矣乾隆四十

四年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

甬上耆舊詩卷一

監察御史胡文學編

吳越春秋稱越地東至於鄞即所謂甬上也自後遷

置不常一時人物與句章餘姚各相引重今錄其定

為鄞人者四家以冠此集之首

丈夫種

字會鄞人

見呂覽高氏注

越滅吳其謀居多見越絕諸書既

欽定四庫全書

甬上耆舊詩

一

以伏劍死越人哀之葬于重山一年其神去與子胥

共出沒江海間晝夜雨至今浙水之潮前揚波者伍

子胥後重水者大夫種里中王深寧先生論之曰世

多謂大夫不能從五湖游謂不知幾不知保身義也

致身亦義也使種蠡俱逝國誰與守且蠡楚人可以

去越大夫即越人妻妻遲遲不忍去父母之邦忠臣

之志也斯可謂善論古人矣

越王句踐五年入臣于吳羣臣送至浙水之上

臨水祖道大夫種前為祝其辭曰

皇天祐助前沉後揚禍為德根憂為福堂威人者滅服從者昌王離牽致其後無殃君臣生離感動上皇眾夫悲哀莫不感傷臣請薄脯酒行二觴

大王德壽無疆無極乾坤受靈神祇輔翼我王厚之祉祐在側德銷百殃利受其福去彼吳庭來歸越國

越王既滅吳伯諸侯置酒文臺羣臣為樂大夫

種進祝酒其詞曰

欽定四庫全書

卷一 上卷 舊詩

二

皇天助祐我王受福良臣集謀我王之德宗廟輔政鬼神承翼君不忘臣臣盡其力上天蒼蒼不可掩塞觴酒二升萬福無極

我皇仁賢懷道抱德滅讐破吳不忘返國賞無所愆羣邪杜塞君臣同和福壽千億觴酒二升萬歲難極

大里黃先生

鄭人

見會稽典錄

秦博士遭時坑廢儒術因與諸博士東

園公綺里季夏角里先生避世隱於商山漢高帝時

遣人聘之四公不甘仰天歎而作歌謂之采芝歌高

帝欲廢太子留侯為畫策禮請此四人共輔太子入

見上四公年俱八十餘鬚眉皓白故謂之四皓太子

卒得不廢事詳留侯世家後黃公歸老子鄭卒葬大

隱山亦稱黃墓樂府載琴集曰採芝操四皓所作也

其詞曰皓天嗟嗟深谷逶迤樹木莫莫高山崔嵬巖

居穴處以為幄茵聘聘紫芝可以療飢唐虞往矣吾

當安歸其詞與崔鴻所載不同今並存之

欽定四庫全書

卷一 上卷 舊詩

三

采芝歌

漠漠高山深谷威迤聘聘紫芝可以療飢皇農邈遠余將安歸駟馬高蓋其憂甚大富貴而畏人不如貧賤而輕世

禮部尚書賀先生知章

字季真行九生小溪之響巖證聖初中進士起羣拔

類科初授國子四門博士歷遷禮部侍郎兼集賢院

學士一日併謝時稱兩命之榮又充皇太子侍讀正

授秘書監開元中從封東嶽奏定儀注先生性放曠

善談笑自號四明狂客又稱秘書外監每醉輒屬詞

筆不加點俱斐然可觀為學士時每與人燕語好事

者輒隨筆鈔記俱堪參詠天寶三載因病疏請度為

道士放還鄉里上許之仍拜其子典設郎曾為會稽

郡司馬使得侍養御製詩以寵行皇太子以下咸就

執別先生歸後築室四明之鹿亭樊榭時往來稽山

卒年八十六葬于會稽肅宗以侍讀之舊贈禮部尚

欽定四庫全書

卷一 唐詩

書初神龍中先生與越中賀朝萬齊融揚州張若虛

邢巨湖州包融俱以吳越之士名揚上京人間往往

傳其文獨先生最貴晚年李杜二公益相推重奉先

生為宿老此所以名冠一代詞人之首也自後稱四

明輒曰賀監舊山川蓋詩人名重本朝未有過先生

者

史家稱唐中葉將相有功帝室惟郭侯郭汾陽先生

之識郭侯李翰林之識郭汾陽此豈當時詩人所能

及耶

開元十三年禪社首山祭地祇樂章

迎神用順和

至哉合柔德萬物資以生常順稱厚載流謙通變盈聖
心事能察增廣陳厥誠黃祇儉如在泰折俟咸亨

皇帝行用太和

肅我成命於昭黃祇裘冕而祀陟降在斯五音克備八
變聿施緝熙肆靖厥心匪離

欽定四庫全書

卷一 唐詩

五

登歌奠玉帛用肅和

黃祇是祇我其夙夜寅畏誠潔匪皇寧舍禮以琮玉薦
厥茅藉念茲降康胡寧克服

迎俎用雍和

夙夜宥密不敢寧晏五齊既陳八音在縣藻盛以潔房
俎斯薦明德惟馨尚茲克徧

皇帝初獻用壽和

惟以明發有懷載殷樂盈而返禮順其禮立清以獻薦

欲是親於穆不已哀對斯臻

皇帝飲福用福和

穆穆天子告成岱宗大裘如濡執珽有顒樂以平志禮以和容上帝臨我云胡肅邕

皇帝還宮用太和

昭昭有唐天畀萬國列祖應命四宗順則申錫無疆宗我同德曾孫繼緒享神配極

送神用靈具醉

代順和

欽定四庫全書

周上卷舊詩

六

神具醉杳熙熙靈將往眇禔禔顧明德吐正辭爛遺光流禎祺

奉和御製春臺望

青陽布王道玄覽陶真性欣若天下春高逾域中聖神阜類觀賞帝里如縣鏡綠繞八川浮宮苑雙闕映曉色徧昭陽晴雲卷建章華枝的皪丹青樹顒氣氤氲金玉堂尚有靈蛇下廊時還徵瑞寶入陳倉自昔秦蒼漢窮武後庭萬餘宮百數旗回五大殿千門連綿南陞出西

垣廣畫螭蟻誇窈窕羅生玳瑁象昆崙乃眷天情興隱恤古來土木良非一荆臨章觀趙叢臺何如堯堦將禹室層欄窳窳下龍興清管逶迤半綺疏一聽南風引鸞舞長謠北極仰鵷居

望人家桃李花

山原夜雨度仙家朝發東園桃李花桃花紅兮李花白照灼城隅復南陌南陌青樓十二重春風桃李為誰容棄置千金輕不顧踟躕五馬謝相逢徒言南國容華晚

欽定四庫全書

周上卷舊詩

七

遂歎西家飄落遠的皪長奉明光殿氤氲半入披香苑苑中珍木元自奇黃金作葉白銀枝千年萬歲不凋落還將桃李更相宜桃李從來露井傍成蹊結影矜艷陽莫道春花不可樹會持仙實獻君王

曉發

江臯聞曙鐘輕棹理還舸海潮夜約約川露晨溶溶始見沙上鳥猶埋雲外峯故鄉杳無際明發懷朋從

送人之軍中

常經絕脈塞復見斷腸流送子成今別令人起昔愁隴
雲晴半雨邊草夏先秋萬里長城寄無貽故國憂

奉和聖製送張說巡邊

荒境盡懷忠梯航已自通九攻雖不戰五月尚持戎遣
戍徵周牒恢邊重漢功選車命元宰授律取文雄胄出
天弧上謀成帝幄中詔旂分夏物專討錫唐弓帳宿伊
川右鉦傳晉苑東襲人藉黃寶樂正理絲桐歧陌涵餘
雨離川照晚虹恭聞詠方叔千載舞皇風

欽定四庫全書

卷一 上 舊詩

奉和聖製集賢書院成送張說上集賢學士賜

燕得謨字

西學垂玄覽東堂發聖謨天光燭武殿時宰集鴻都枯
朽霑皇澤翺飛舞帝梧跡同游汗漫榮是出泥塗三歎
承湯鼎千歡接舜壺微軀不可答空欲詠依蒲

題袁氏別業

主人不相識偶坐為林泉莫漫愁沽酒囊中自有錢

回鄉偶書

少小離鄉老大回鄉音無改鬢毛衰兒童相見不相識
笑問客從何處來

離別家鄉歲月多近來人事半銷磨惟有門前鏡湖水
春風不改舊時波

采蓮曲

稽山罷霧鬱嵯峨鏡水無風也自波莫言春度芳菲盡
別有中流采芰荷

答朝士

欽定四庫全書
卷一 上 舊詩
銀鑊銀盤盛蛤蜊鏡湖葦菜亂如絲鄉曲近來佳此味
遮渠不道是吳兒

咏柳

碧玉妝來一樹高萬條垂下綠絲絲不知細葉誰裁出
二月春風似剪刀

吳商浩

者舊詩前三十卷刻成已在校讐萬生允誠趙白余
曰頃錄四唐人詩及吳商浩僅載其名氏餘不詳至

所錄詩塞上篇末曰分明更想殘宵夢故國依然在
甬東然則商浩定為甬上人也當附錄賀監後余因
念宋史藝文志集部有鄞人詩九卷應是宋全盛時
所輯豈尚錄其本朝人耶抑及唐以前耶但其詩得
藏諸內府應自足傳而今絕不可得正未知當時所
列何人所錄何等詩以吾里中先賢而茫茫千年前
不見作者每念及此輒為廢寢食後錄方外耆舊詩
至噩夢堂尊者徧免諸方僅得三首適吾友明介禪
師自吳中來云曾于梵舍值一僧出其橐中詩二冊
一為吳門釋法杲雪山草一為甬上噩夢堂集且曰
此法門二寶也可識之介公間為余言余聞之驚喜
遂屬介公他日若更相值當尚鈔夢堂詩而介公云
亡併為一慟悲矣夫世間有奇文字每苦不得留即
幸得留天地間而徒一二人愛護亦復何益使論衡
未傳彼中郎誠非俊物也余故為具述於此倘海內
學士家有藏宋人選鄞詩九卷及方外諸公收得夢

堂尊者集遙憫求者苦心不惜郵寄以全一方文獻
當十倍償之他涉甬上詩大有在此集之外者俱同
前例嗟乎浦江之人物可徵赤城之遺詩不墜故國
人風慨然夢寐唯藏書家留意焉

塞上即事

身似星流跡似蓬玉關孤望杳濛濛
寒沙萬里平鋪月
曉角一聲高捲風戰士沒邊魂尚哭名王獵處火猶紅
分明更想殘宵夢故國依然在甬東

長安春贈友人

繁華堪憶帝城春粉堞青樓勢礪雲
花對玉鈎簾外發
歌飄塵土陌邊聞幾多遠客魂空斷何處王孫酒自醺
各有歸程千萬里東風時節恨離羣

宿山驛

文戰何堪功未圖又驅羸馬指天衢
露華凝夜渚蓮盡
月彩滿輪山驛孤歧路辛勤終日有鄉關音信隔年無
好同范蠡扁舟興高挂一帆歸五湖

北邙山

北邙山草又青青今日銷魂事可明
綠酒醉來春未歇
白楊風起柳初晴
岡原旋葬松新長
年代無人關半平
堪取金爐九還藥
不能隨夢駐浮生

秋塘曉望

鐘盡疎桐散曙鴉
故山烟樹隔天涯
西風一夜秋塘晚
零落幾多紅藕花

泊月

欽定四庫全書

兩上耆舊詩
卷一

十二

身逐烟波魂自驚
木蘭舟上一帆輕
雲中有寺在何處
山底宿時聞磬聲

水樓感事

高柳蜚啼雨後秋
年光空感淚如流
滿湖菱荇東歸晚
閒倚南軒盡日愁

兩上耆舊詩卷一

欽定四庫全書

兩上耆舊詩卷二

監察御史胡文學編

兩上文獻至宋而始盛
凡中進士者六百九人
位至執政者十八人
今所錄僅二十四家
唯樓宣獻公得其選
集薛氏有世編故錄之
為詳餘俱從諸舊乘陳言腐什中節取一二而已
其全集俱苦覓未見至如鄧江王先生致桃源王先生說城南樓先生郁正獻

欽定四庫全書

兩上耆舊詩
卷二

一

袁先生燹此所謂郡中九先生其四出於鄧者也他文學名臣若學士豐清敏公稷正言陳文介公禾侍御林公保司業高憲敏公閔學士陳公顯御史黃公龜年僕射魏文節公杞學士汪莊靖公大猷侍制趙公粹中學士陳文懿公居仁趙公袁公韶太常臧先生格直閣樓先生昉太常陳文定公槩少傳趙清敏公與權司業陳公塤直閣史公彌鞏學士張公即之直閣王公搗侍講趙公逢龍博士陳先生著教授史

果齋先生蒙卿諸公則併單章一律亦不可得見矣
此吾黨今日所以彷徨太息唯恐采錄之後時也茲
特列其名氏附于二十四家後倘有藏書故家能收
其遺集當更力購之錄遺補亡尚有待焉

中大夫周公鏐

字廉秀銀青光祿大夫師厚長子也生有異稟十歲
如成人十四入太學力學勤苦登元豐二年進士初

調桐城尉愜然曰古人學優乃仕吾昔所治科舉耳

欽定四庫全書

尚書
卷二 考據詩

三

遂辭不赴官益精研六籍及諸子百氏書畫著論其
本旨為文蹕厲競與追古作者不以雕飾字句為工
務期于有用旁至占緯相地家言靡不該博嘗遊潁
昌訪其舅氏范忠宣公時文潞公司馬溫公富韓公
俱在數得造請問益其學逾進至京師上書言事同
里國子祭酒豐稷給事中范祖禹交薦之出知南雄
復以言邊事忤時相名入黨籍因退居西湖作四休
堂與弟承奉銖藍與野榜徜徉山水間風格宛如晉

人間為詩以自娛客至具有敘隨其所有終日談論

古今未嘗及官事紹興元年轉中大夫朝廷方用之

而公老矣卒年七十五所著文集二十卷承宣集一

卷明天集六甲奇書各一卷尚書右丞胡公宗愈翰

林學士王公覲並重其才識相繼以女妻之蔡京作

黨人碑舅甥壻塔俱在籍中後人以為盛事焉

佛跡巖

靈山名大蓮香水霽蒼龍祇久覆護雲物翳深谷拂

欽定四庫全書

尚書
卷二 考據詩

三

衣向剗中神斧斷蒼玉至今天人尊靈跡印金粟頗聞

開士識飛錫隱巖麓坐令湖海間香貢走川陸巍巍度

報地色相儼金屋緬想舊中瓶猶能慰心目藍輿訪蓮

社一笑欣自足撫事動幽尋疇能念榮辱松爐晨如見

餘力付棋局更覺夢中身儵然百無欲

題金氏萬金樓

幾年江上夢黃鶴意悠悠百尺獨臨水萬金難買秋杵
聲喧藥市欄影浸漁舟應有湖中客分身向此游

澄輝閣

雄建俯空濶下瞻霄漢浮眼將雲漠漠心寄水悠悠日
暖鳥飛鏡月涼魚弄鉤行期分此景家在甬西頭

和郡守彭吏部西湖

使君脩禊與民游千里笙歌水面浮動地風從雲外起
截天霓向雨中收登臺已有難并樂擊壤能無寡和憂
却憶內家新賜火海棠無數出牆頭

欽定四庫全書

前上考儒詩
卷二

四

山屏影裏萬艘橫雲從布穀原頭過雨向催詩筆下生
藻繪昇平知有待閣梅先已入調羹

薛處士唐

失其字隱居不出所著田間集一卷後贈朝議大夫

田舍作

世業存五畝家風守二南適情無過睡幽事不妨貪母
老厨增肉朋來樹選相每慙躬稼穡未及野農諳

秋眠

涼色正堪弄新礎絕可憐況萬梧葉響撼撼到牀邊
雁叫遠渚孤雲停莫天郊居迎送寡秋日足高眠

書壁

自甘藜藿不求魚大笑馮生出想車才子座中悲鄴下
高篇社裏厭黃初不臣未遂忠君志生子猶能讀父書
酒後放言揮秃管元龍豪氣本難除

直閣王公廷秀

欽定四庫全書

前上考儒詩
卷二

五

字頴彥由慈徙居鄞初入太學與龜山楊先生游其
學上迷旁搜不屑趨時好復學詩于黃太史庭堅丈
詞卓犖登政和上舍歷官州縣以待御史李光薦改
御史臺檢法官宣和靖康朝進言忠懇張邦昌僭號
獨公執節不屈後御史中丞上其事拜監察御史奏
乞威斷出于人主所遣宣諭官當令萬舉廉吏又言
刑名有疑慮者州郡法官應具申憲司聞實取裁遷
殿中侍御史臺綱益肅論黃潛善為相時恃寵賣官
潛善責授秘書少監明受之變與鄭毅力爭不宜去

帝號事遂止復論呂頤浩奏擬不當出知筠州右正
言呂祉奏上以論大臣罷一言官即明日大臣有失
誰敢復言者遂召八為吏部郎改左司言朝廷比來
深疾貪吏然州縣中豈無介操自將久屈下僚者宜
命五使所至以廉潔清修可表率吏士者具上其名
更叅諸公議不次遷擢以勵士風從之進檢正中書
門下省諸房公事與宰相議多不合力引疾求去詔
直秘閣主管崇道觀歸所著有航海記磨衲集

欽定四庫全書

同上著舊詩

六

同舍弟泛舟西湖登畫錦堂步至紫翠亭望懶

堂景物懷故龍圖舒先生

城中十頃湖雲水相演漾春風破冰谷拍岸新流漲平
鋪鴨頭綠澹沲蒲萄釀朱費媚孤嶼梵宇麗相向萬瓦
生新暉千花聯錦帳晨曦照炯炯芳氣浮決決日暮姿
態妍烟霞渺空曠誰將水仙鏡聊借詩人仗卧護五羊
城追懷老詩將微吟示清野麇戰得閒放變化無端倪
虛無落名狀坐令湖上景勝絕神宇王當時經行地藻

麗隨屨杖斯人今則亡物色亦摧喪他年牛馬走曾拜
丈人行塵埃久飄泊歲月成漫浪問訊懶堂居松竹欣
無恙尚意壁間聲時賡朱絲唱撫事重興嗟陳迹悵悵
望哦公十洲詩風月為悵悵

少卿汪公思溫

字汝直大父元吉以縣從事為范文正公所知王荆
公來鄆亦稱為蘆平吏父洙以春秋教授里中人稱
曰汪先生公登莫儔榜進士授雄州教授調餘姚令

欽定四庫全書

同上著舊詩

七

築堤浚湖吏民愛信之欽宗以諸王就傳擇除贊讀
公與弟思齊並命除吏部員外郎出守三衢有自稱
祁王過郡府吏請避正堂以舍公微察其偽不許已
而其人果敗御史中丞徐俯入朝道由郡公以部使
者禮見不為設厨傳俯憾之劾以他罪中丞辛炳為
疏辨得白遷司農大府少卿知臨安府淞河以漁舟
濟人每中流故弭楫索客多出錢或風暴至舟輒覆
善汨者競取其錢物登岸公悉捕繫以殺人罪論更

作大艦載客餘盡禁之相秦檜以故人屬薦公謝曰
使其可薦誠不待相公諭如不才即相公言無益也
有旨營政府檜欲以相府儀制稍異執政府公益持
不可檜積怒罷直顯謨閣食祠祿凡十八年卒年八
十有一

三江亭和郡守韻

危亭聳觀與雲侵勝槩何勞杖履尋回合江山真有意
去來鷗鷺本無心歡聲洋溢均千里好句清新抵萬金

欽定四庫全書

兩上省樓詩
卷二

四海正需經濟手豈容長對白頭吟

知衡州軍薛公朋龜

字彥孟政和八年進士授仙居縣尉值歲飢道殣相
望剽掠者四起公請于郡發廩粟賑民解散盜賊境
內悉平改楚州司錄道靖康之變楚師勤王者歸道
州境郡守薄其供一軍盡譁公馳往諭以國法立發
帑犒之軍始定已擢為奉議郎去官民遮道泣曰我
輩已為俎上肉藉使君活我至馬首不得行監司上

其狀再擢監行在登聞檢院兼權工部郎中守直不
阿所彈劾使權貴斂手以左朝奉大夫出知衡州致
仕在里門與汪汝直諸公結社林下後輩多從杖屨
相造請時稱為四明五老焉所著彥孟先生集二十
卷子孫世有賢者

自南宋以來氏族之盛莫過於吾郡而鄭又甲于他
縣一時推史鄭樓豐四大家而薛氏以義門瑞室共
推顏柳遂得相頡頏讀世風一編列詩家二十六人

欽定四庫全書

兩上省樓詩
卷二

亦可見其盛矣

岱嶽篇雪中送華山人東遊

七十二君已綿邈乾坤只今留岱嶽烟書雲篆弔秦碑
萬聖千靈朝漢朔白日雕檐路相望夜深仙樂張天上
日觀天門踴躍登芒作雙轡繫作杖匹練吳門見幾人
向來寂寞空山春溪花谷樹忽生色一朝若為山人新
君行正直年華謝山雪紛紛向君下去看九州玉削成
孤高始信岱嶽名若趁長風竟飛舉鸞毛柳絮同身輕

江船

夜色千山白扁舟獨進遲鄉心共帆急世路與波隨性
野禽魚習官寒故舊知江梅如愛客早放歲寒枝

露

乘興訪村家微微見露華暗滋三徑草晴澣一庭花夢
入關河濕涼生更漏賒清江千萬里何處點蕉蓀

見雁

寒衣九月授他鄉遂見征鴻序一行秋色未深先避雪

欽定四庫全書

同上卷七

十

邊聲忽到又隨霜曾愁天路雁繒繳只想中原食稻粱
漢使不歸書不繫至今塞有客沾裳

剡中別吳客

百道飛流向剡飛高田不歎下田肥吳人只道吳山好
黃獨如拳也救飢

安撫王公伯庠

失其字登紹興二年進士試教官第一歷遶殿中侍
御史出為夔路安撫使公性博記過人夔地絕遠為

手圖其險要所部俱不能欺巴俗多掠子女出境公
特嚴其禁遂莫敢犯所著有歷山集雲安集宏詞集
要夔路圖經諸書

三江亭和郡守韻

使君不受二毛侵杖屨逍遙得勝尋撥遣簿書聊永日
登臨山水一何心殘梅墜雪垂垂白弱柳搖風淡淡金
倚囑大江供一笑幾多襦袴在謳吟

直閣薛公居實

欽定四庫全書

同上卷七

十一

字去華知衡州朋龜之子也歷官守莆陽更起學宮
遷提舉福建路常平茶鹽值歲飢救荒有績所在俱
以治行稱自祠宮召對除倉部員外郎陞郎中再擢
淮東安撫使直秘閣卒于揚州所著有薛安撫集十
五卷

故舊相送出城門

策馬國門南行役感時節唧唧寒蟬亂皎皎層巒慘
途遵廣川哀林夕陽滅含情不忍語眷舊詎忍別抱疴